

Morning Dogri (NSD) Bulletin 05-04-2026

आकाशवाणी

1. प्रधानमंत्री नरेंद्र मोदी होरें आखेआ ऐ जे लोकसभा ते राज्यें दिएं विधानसभाएं च महिलाएं लेई 33 फीसद आरक्षण जकीनी बनाने लेई संसद दे बजट सत्र गी त्रै दिनें लेई बधाया गेआ ऐ।
2. पच्छिम एशिया च जारी तनोतनी ते संघश्च दे दरम्यान 345 भारती मच्छेरें गी अरमेनिया दे रस्तेया ईरान थमां सुरक्षित वापस आह्नेआ गेआ ऐ।
3. अमरीकी राष्ट्रपति डॉनल्ड ट्रम्प होरें होमुर्ज जल डमरू मध्य गी खोलने लेई ईरान गी 48एं घैंटे दा अल्टीमेटम दिता ऐ।
4. पच्छिम बंगाल च होने आले असेंबली चुनाएं लेई भारती जनता पार्टी नै अपने 5 मेदवारें दे नाएं आली 5मीं सूची जारी कीती ऐ।
5. विश्व पैरा तीरंदाजी श्रृंखला च किशोर आयु वर्ग च 18एं बरें दी तीरंदाज पायल नाग नै दुनिया दी पैहले नम्बरै दी खड्डारन शीतल देवी गी हराइयै महिला कम्पाउंड दे फाइनल च सुन्ने दा तगमा जिती लैता ऐ।
6. ते आई.पी.एल क्रिकेट च कल अहमदाबाद दे नरेंद्र मोदी स्टेडियम च खेड्डे गेदे रोमांचक मुकाबलेच राजस्थान रायल्स नै गुजरात टाइटन्स गी 6एं रनें कन्नै हराई दिता।

PM-Women Res.

प्रधानमंत्री नरेंद्र मोदी होंरें आखेआ ऐ जे संसद दे बजट इजलास गी होर 3एं दिनें लेई बधाया गेआ ऐ तां जे 2023 च महिलाएं गी लोकसभा ते राज्यें दिएं विधानसभाएं च 33 फीसद आरक्षण देने लेई बनाए गेदे कनून गी ब'रे 2029 थमां लागू कीता जाई सकै। केरल दे थिरुवल्ला च इक चुनावी रैली अगगे भाशण दिंदे होई मोदी होंरें आखेआ जे सरकारै बजट इजलास गी बधाया ऐ ते हुन होर 3 दिनें यानि 16, 17 ते 18 अप्रैल गी बी सदन दी बैठक लग्गघ। प्रधानमंत्री होंरें आखेआ जे सरकार इस गल्लै गी पक्का करग जे कुसै बी राज्य भामें केरलम, तमिलनाडू, कर्नाटक, आंध्र प्रदेश, गोवा जां तेलंगाना गै कीहू नेई होऐ, उत्थे लोकसभा दिएं सीटें च कोई कमी नेई होग।

<><><><><><>

Fisherman-Iran

पच्छिम एशिया च जारी संघर्ष दे चलदे ईरान च फसे दे कुल 345 भारती मच्छेरे अर्मेनिया राएं कल चेन्नई पुज्जी गे ना। विदेश मंत्रालय मुजब संघर्ष प्रभावित इलाकें च अपने नागरिकें दी सुरक्षा गी यकीनी बनाने लेई भारत आसेआ चलाए जा'रदे जत्तें दे इक हिस्से दे तौरा पर इनें मछेरें गी वापस आंदा गेआ ऐ। विदेश मंत्री एस. जयशंकर होंरें सोशल मीडिया पर इक पोस्ट च भारती मछेरें गी कड्डने च मदद करने आस्तै आर्मेनिया दी सरकार दा धननवाद कीता ते संघर्ष दे चलदे भारती नागरिकें गी ईरान थमां भारत तगर सुरक्षित पजाने च अपने हमरूतबा अरारत मिर्जोयान हुंदा धन्नवाद कीता।

<><><><><><>

Trumm-Ultimatum

अमरीकी राष्ट्रपति डोनल्ड ट्रम्प होरें ईरान गी होर्मुज जलडमरूमध्य गी खोलने लेई 48एं घंटें दा अल्टीमेटम दिता ऐ। इक सोशल मीडिया पोस्ट च ट्रम्प होरें ईरान गी ेता दोआया ऐ जे होर्मुज जलडमरूमध्य गी खोलने आस्तै ओदे कोल 10एं दिनें दा समां ऐ। उनें ईरान गी खबरदार कीता जे ओदे कश गंभीर नतीजे भुगतने लेई छडे 48एं घंटें दा गै समां ऐ। अमरीकी राष्ट्रपति घडी-घडभू ईरान दे उर्जा केंद्रें पर बम्ब धमाकें दी धमकी देआ करदे न, कन्नै गै युद्ध गी खत्म करने लेई कूटनीतिक इंतजामें दी बी मंग करा'रदे ना।

<><><><><><>

Trump-Iran

अमरीकी राष्ट्रपति डोनल्ड ट्रम्प होरें आखेआ ऐ जे तेहरान च कीती गेदी इक बड्डी फौजी कार्रवाई च ईरानी फौज दे केई बड्ठे अधिकारी मारे गे ना। तेहरान च अमरीका दे फौजी हमलें दा इक वीडियो सांझा करदे होई ट्रम्प होरें सोशल मीडिया दी इक पोस्ट च दस्स्ेआ जे ईरानी फौज दी बडे माडे ढंगै'नै अगुवाई करने आले केई बड्ठे फौजी अधिदकारी तेहरान च अमरीका दी कार्रवाई च मारे गे ना। ट्रम्प होरें इस हमले दे तकनीकी ब्यौरे जां कुसी खास तौरा पर निशाना बनाया गेआ ऐ, इस बारै च कोई होर जानकारी सांझी नेई कीती ऐ।

<><><><><><>

BJP-List

भारती जनता पार्टी'नै पच्छिम बंगाल विधानसभा चुनाएं आस्तै 5 मेदवारें दी अपनी 5मीं सूची जारी करी दिती ऐ। अनुमप बिस्वास कल्याण (एस.सी) थमां, तारानाथ चटर्जी कृष्णनगर उत्तर थमां, सौरव सिकंदर होर दमदम उत्तर थमां अनिंदम राजू बनर्जी मध्यग्राम थमां ते रूद्रप्रसाद बनर्जी होर उलबेरिया पूर्व असेंबली हल्के थमां चुनांऽ लड्डन। पार्टी पनै

अपनी पिछली सूची च नाएं च बी संशोधन कीता ऐ। हून कौशिक सिद्धार्थ बशीरहाट उत्तर, अभिजीत सरदार, विष्णुदर (एससी) थमां ते शंकर सिकंदर बेहाला पूर्वा असेंबली थमां चुनांऽ लड़डन।

<><><><><><>

PM-WB

प्रधानमंत्री ते बीजेपी दे सीनियर लीडर नरेंद्र मोदी होर अज्ज पच्छिम बंगाल दे कूचबिहार च चुनांऽ प्रचार लेई जांगन। कूच बिहार रास मेला मैदान च ओहू कूच बिहार जिले दी 8 सीटें ते अलीपुरद्वार जिले दी 5 सीटें पर चुनांऽ लड़ा'रदे भाजपा मेदवारें दे समर्थनच प्रचार करंगन।

<><><><><><>

ECI-WB

भारती चुनांऽ आयोग नै पच्छिम बंगाल दे पानीहाटी विधानसभा हल्के दे सेक्टर सहायका अतुन चक्रवर्ती गी हटाई दित्ता ऐ ते कदाचार ते अपनी झूटी च लापरवाही बरतने लेई कारण दस्सो नोटिस जारी कीता ऐ। एह कार्रवाई चक्रवर्ती हुंदे इक खास पार्टी कन्नै सियासी गतिविधिएं च शामिल होने दिएं रपोर्टें मगरा कीती गई ऐ। इक बक्खरी घटना च आयोग नै मुर्शीदाबाद जिले दे बहरामपुर दे प्रभारी निरीक्षक दे खलाफ झूटी च लापरवाही बरतने आस्तै अनुशासनात्मक कार्रवाई शुरू करी दित्ती ऐ। कांग्रेस दे सीनियर लीडर ते साबका सांसद अधीर रंजन चौधरी हुंदे चुनांऽ प्रचार ते नामांकन प्रक्रिया दरान गैर कनूनी तौरा कन्नै रूकावट पैदा करने दिएं रपोर्टें मगरा एहू गल्ल सामने आई ऐ। एहदे अलावा चुनांऽ आयोग नै इसै घटना दे सिलसिले च तृणमूल कांग्रेस दे 4 लीडरें खलाफ बी कार्रवाई कीती ऐ।

<><><><><><>

Kerala-Campaigning

केरल विधानसभा चुनावों लेई प्रचार अपने चरम पर पुज्जी गेदा ऐ। सबनें 140 विधानसभा हल्के दे मेदवारें मतदाताएं कन्नै जुड़ने च कोई कसर नेई छोड़ा'रदे ना। प्रमुख सियासी पार्टिं दे सीनियर लीडर बी समूलचे केरलम च जनसभाएं ते रोड शो राएं अखीरले गेड़ च सक्रियता कन्नै हिस्सा लै करदे ना। बीजेपी दे सीनियर लीडर ते केंद्री गृह मंत्री अमित शाह होर दुए कार्यक्रमें दे अलावा बेपोर च इक रोड शो ते कटकड़ा च इक जनसभा च हिस्सा लेंगन। तोआई कांग्रेस दे राश्ट्री अध्यक्ष मल्लिकार्जुन खड़गे होर पीरुमेडु ते कोट्टारक्करा च प्रचार कार्यक्रमें च हिस्सा लेंडन।



World Para Archery

विश्व पैरा तीरंदाजी श्रृंखला च किशोर आयु वर्ग दी 18एं बरें दी तीरंदाज पायल नाग नै बैंकाक च आयोजित महिला कम्पाउंड मुकाबले दे फाईनल च दुनिया दी पैहले नम्बरै दी पैरा तीरंदाज शीतल दे गी हराइयै सुन्ने दा तगमा जित्तेआ ऐ। एह्दे कन्नै गै भारत नै सुन्ने दे 7, चांदी दे 5 ते कैह दे 4 तगमे सने कुल 16 तगमे हासल करी लैते ना। मर्दे दे कम्पाउंड मुकाबले च तोमन कुमार नै सुन्ने दा तगमा जित्तेआ जिसले के भावना नै रिकर्व महिला मुकाबले दा खिताब अपने नां दे कीता। तोमन नै आस्ट्रेलिया दे जोनाथन मिल्ले गी 146 दे मुकाबले 142 कन्नै हराया जिसले के भावना नै थाईलैंड दी पथराफोन पट्टावेओ गी 6-0 कन्नै शिकस्त दिती।



IPL

आई.पी.एल क्रिकेट च अज्ज 2 मैच खेड्डे जाडन। पैहला मैच दपैहरी मगरा 3 बज्जिये 30एं मिंटे पर हैदराबाद दे राजीव गांधी अंतरराश्ट्री स्टेडियम च सनराइजर्स हैदराबाद ते लखनऊ सुपर जायंट्स बश्कार होग जिसले के अज्जै दे दुए मुकाबले च शामी साड्डे 7 बजे बेंगलुरू दे एम. चिन्नास्वामी स्टेडियम च रायल चैलेंजर्स बेंगलुरू ते चेन्नई सुपर किंग्स आमने-सामने होडन। तोआई कल रातीं अहमदाबाद दे नरेंद्र मोदी स्टेडियम च खेड्डे गेदे रोमांचक मुकाबले च राजस्थान रायल्स नै गुजरात टाइटन्स गी मैच दे अखीरले ओवर च 6एं रनें कन्नै हराई दित्ता।

<><><><><><>